



## **Referat frå møte i Fau ved Bryne ungdomsskule onsdag 20.10.21**

Til stades: Trond Tveit, Aina Kvammen, Siri Skogmo Hegdal, Silje Horpestad Hansen, Elsa Djuve Jerstad

Fråver: Ådne Eikeland, Espen Joranger

### **1/21-22 Utviklingsplanen 21-22.**

Rektor går gjennom prosessen me har hatt på skulen og Fau uttalar seg om innhaldet i planen. [Utviklingsplan BUS 21-22](#). Fau meiner planen er god og gjennomtenkt og at det er lurt å ha få mål som er spissa.

### **2/21-22 Handlingsplan mot vald og trakassering i skulane.**

Situasjonen ved BUS. Me ser særleg på handlingstrappa s. 8. Fau uttalar seg om denne.

[Handlingsplan mot vald og trakassering i skulane](#). Rektor gjekk gjennom kva BUS gjer for å førebyggja vald og trakassering. Me diskuterte handlingstrappa for 10-16 år og vurderingar som må gjerast i kvart enkelt tilfelle. Skulen har veldig godt samarbeid med U-18 i politiet, både om saker på skulen og saker i fritida.

Me har ikkje store utfordringar med vald og trakassering på skulen nå, dette går litt i bølger.

Dei største utfordringane me ser nå på skulen, er at me har mange elevar som ikkje er vant med å ta omsyn til kvarandre og til å forhalda seg til grenser og strukturar i lag med andre. Me veit ikkje om dette har med koronaperioden å gjera eller om det er resultat av trendar i samfunnet. Me snakka litt om denne artikkelen [Ta vettet tilbake- Margret Hagerup](#)

### **3/21-22 M44 og matfriminutta**

Elevane våre har hatt lov til å gå på M44 i matfriminutta. Me ser at dette fører ein del negativitet med seg, både når det gjeld kva dei handlar og tilbakemeldingar frå M44 og naboor.

Elevar ved dei andre ungdomsskulane i kommunen får ikkje gå på butikkar i matfriminutta.

Kva seier elevrådet? Elevrådet meiner at det må verta enklare å stenga folk ute frå M44.

Fau meiner at det bør vera forbod mot å gå på M44. Det er skulen som har ansvaret for elevane heile skuledagen, og då bør dei ikkje få gå utanfor skulen sitt område.

### **4/21-22 Samarbeidsutvalet, Skulemiljøutvalet og Kommunalt foreldreutval.**

Representantar frå Fau, leiar og ein til. Me avtaler første møte i SU og SMU.

Trond Tveit og Siri Skogmo Hegdal blir føresette sine representantar i SU og SMU.

### **5/21-22 Eventuelt Skulecup i fotball.**

Bakgrunn – skulen har ikkje vore med på desse turneringane på mange år. Me ser at det er toppa lag og dei som elles er ed på einarlaget som blir tatt ut. Det går tid når dei skal spela kampar i skuletida og skulen må bruka ressursar på dette i form av lærarar og folk som skal organisera kampane. Me har nå føresette som er veldig ivrige og som vil stilla og ordna alt, men det har me ikkje garantiar for kvart år. Skulen vil heller satsa på aktivitetar som Tinestafetten og Tinghaugløpet der alle elvane deltar.

Fau meiner at dette må vera opp til skulen, men at dersom ein skal ha det så bør det vera for eksempel på eitt klassetrinn Fau føreslår 9. trinn.

**Nye læremiddel-** Me har fått ny læreplan LK 2020 og innhaldet i fleire fag har større endringar. Me har vore i ein prosess med testing og utprøving av nye læremiddel. Rektor informerer og Fau uttalar seg om evt val.

Me har kjøpt in digitale ressursar i matematikk, naturfag og samfunnsfag som er dei faga som er mest endra. Me har ikkje økonomi til dette, men ser at me ikkje kan jobba ut frå ein ny plan utan læremiddel.

Elevane på 10. trinn har ikkje lærebøker då desse ikkje enno er komne på marknaden.

Slik skulen vurderer det er det billegast å kjøpa papirbøker, då må desse vara i 10-15 år framover. Digitale lisensar må me kjøpa per elev per år, og prisen blir høgare.

Fordelen med digitale lisensar er at bøkene blir fornya.

Det er gjort lite forsking på effekten av å lesa digitalt kontra papir, og me veit at ungdommane våre er digitalt innfødde og det dei fleste les, les dei digitalt. I digitale løysingar kan også elevar som har utfordringar med lesing få teksten opplest.

Fau meiner at dette er den viktigaste saka for SU og ber rektor laga ein oversikt over estimerte kostnader for alle fag.

### **Kursing og fagleg oppdatering av lærarar. Korleis gjer me det på BUS?**

Fau har fått spørsmål om dette.

Bus har sett i gang kollegaveiledning for alle lærarane, dette er eit verktøy lærarane skal ha for å utvikla eigen praksis i klasserommet. Det går ut på at lærarane planlegg undervisning i lag og er med kvarandre i timane, observerer og reflekterer rundt undervisningsopplegga dei har laga.

Elsa D Jerstad, ref